



Broj, 01-07-10-51-28/2024
Sarajevo, 16.1.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Azhara Kalamujića, [REDACTED], [REDACTED], od 10.1.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se pristup informacijama koje se odnose na predsjednika Okružnog suda u Trebinju [REDACTED] i tužioca Tužilaštva Bosne i Hercegovine [REDACTED], kako slijedi:

- biografiji predsjednika [REDACTED];
- informaciji o načinu pristupa biografiji tužioca [REDACTED];
- informaciji da li se protiv imenovanih vodi disciplinski postupak.

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 10.1.2024. godine zaprimilo zahtjev Azhara Kalamujića, [REDACTED], [REDACTED] (u daljem tekstu: podnositelj zahtjeva) za pristup informacijama kojim se traže biografije predsjednika Okružnog suda u Trebinju [REDACTED] i tužioca Tužilaštva Bosne i Hercegovine [REDACTED], te informacija da li su protiv imenovanih pokrenuti disciplinski ili drugi postupci.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

U odnosu na izreku rješenja pod a), uvidom u službenu dokumentaciju, konstatovano je da VSTV BiH posjeduje sljedeće podatke o obrazovanju i radnom iskustvu predsjednika Okružnog suda u Trebinju koji su relevantni kao uslovi i kriteriji za rangiranje, odnosno izbor i imenovanje nosilaca pravosudnih funkcija:

██████████

Obrazovanje: diplomirani pravnik, Pravni fakultet Univerziteta u Mostaru (1981. godina).
Položen pravosudni ispit 1984. godine.

Radno iskustvo:

- 29.3.2004. – / – predsjednik suda, Okružni sud u Trebinju;
- 24.11.1992. – 28.3.2004. godina – sudija, Osnovni sud u Trebinju;
- 1.9.1992. – 24.11.1992. godina – sudija, Osnovni sud u Nevesinju;
- 1.7.1984. – 10.4.1992. godina – sudija, Općinski sud u Mostaru;
- 1.6.1983. – 1.6.1984. godine – sudski pripravnik, Kantonalni sud u Mostaru.

U odnosu na izreku rješenja pod b), u skladu sa članom 26. stav (2) tačka b) Zakona, podnositelj zahtjeva se obavještava da je tražena informacija javno objavljena. Tačnije, biografije tužilaca Tužilaštva Bosne i Hercegovine objavljene su na web stranici Tužilaštva Bosne i Hercegovine <https://www.tuzilastvobih.gov.ba> i dostupne su putem linka: <https://www.tuzilastvobih.gov.ba/?opcija=sadrzaj&kat=15&id=64&jezik=b>.

U odnosu na izreku rješenja pod c) uvidom u službenu evidenciji konstatovano je da protiv predsjednika Okružnog suda u Trebinju ██████████ i tužioca Tužilaštva Bosne i Hercegovine ██████████ nisu vođeni disciplinski postupci.

Postupajući po zahtjevu podnositelja, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbena vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositelju zahtjeva
2. Odjelu za disciplinske postupke i etiku nosilaca pravosudnih funkcija
3. Odjelu za imenovanje i napredovanje nosilaca pravosudnih funkcija
4. U spis